

貴州南籠府志卷之四

知府西蜀李其昌敬伯輯

營建

城池書院

公署坊表

學校倉儲

壇宇塘汎

城池所以嚴禦守也公署所以肅臨蒞也學校所以崇師儒也壇宇所以報功德也書院所以觀絃誦坊表所以示風勵也倉儲所以濟歉荒塘汎所以重巡緝也既屬郡治缺一非宜况南籠為黔中遠服苗域要區匪感受之崇隆而禦

南籠府志

營建

一

守何據倘堂階之湫隘而臨蒞胡瞻師儒弗尊無怪城闕功德鮮祀徒曉鬼巫以致絃誦罔聞詎變蠻歌之習因而風勵未著孰矢筠節之操則時偶歉荒即矯詔而奚賑將地靡巡緝至伏莽以難除此體國經野者必因時因地以制宜而首重乎營建也今者邊鄙宏開體制咸備何以粉堞連雲當思設險之道矣何以飛輦聳漢當思莊蒞之儀矣何以觀政于環橋當思鸞旂

之止矣何以明禋而立墀當思俎豆之馨矣何以善樂群而芳綽楔也當思敬業之勤集義之美矣何以重廩積而斥埃封也當思鳧莩之採闕析之防矣志斯志也是又在官斯土與隸斯土者

### 城池

南籠府舊城原為安籠所城隸安順府明永樂二年建週圍二百八十七丈一尺高一丈四

### 南籠府志

營建

二

尺其基即古稱陵元堡也

國朝康熙二年重修復圯二十五年改廳裁所移安順府通判分駐於此雍正五年設府遂為府城舊制因仍規模狹隘府署倉獄俱隸城外北隅乾隆七年題建石城將舊城包括於內週圍一千二百零三文計七里三分高一丈五尺脚寬一丈頂寬七尺女牆長八尺共二千二百零三垛門五東曰聚奎西曰

懷遠南曰從風北曰拱辰其一為西便門城樓五傑閣凌空簷牙高啄甚屬宏麗壯觀城之形勢西北距于平陸可借綠海以為池東南漸高盤羅龍井桅杆二山之腰堆堞飛駐峰巒突出可畫疆而守登陴而卻其據勝然也然設險所以守國而體險之義有在于扼塞要害之外者語曰衆志如城又不可不綢繆于未雨矣

南籠府志

營建

三

公署

南籠府署在城北 文廟街舊為安籠所署康熙二十五年改設南籠廳署仍之雍正五年改府遂為府署八年知府黃世文十一年知府王元烈節次增修規模軒廠門二重堂三進儀門外左土主祠右監獄門內兩廊為六科辦事之廡內堂左側之書齋別室曲折迴廊位置有致余補葺重新以大堂為臨民之



所取尚書義顏曰顧畏並榜於柱以苗人皆  
赤子岩穴有青天之句內堂為賓客過從吏  
民稟訊案牘批答之處題以勿欺自勗而聯  
於堂曰綠海洗澄漱潤可分清牘案壽山峰  
峻瞻巖永藉奠苗疆時乾隆甲申桂月之中  
秋日

經歷司署在北大街舊北門內乾隆二十六年  
構左營守備舊署而新之門二重堂三進外

南籠府志

營建

四

科房內書室俱屬完備

儒學署在文廟之右前明倫堂後室三間即  
為公署

提督學院行署在府東門外半里許大佛山巖  
門二重堂三進外考舍內書室俱屬全備週  
以棘牆規模宏敞

安籠鎮總兵署在城內南大街國朝康熙二  
十三年建門二重堂三進內外官廳悉稱每

進左右向者各三楹迴廊曲榭書齋別館為  
賓客過從公退燕息之地右箭廳左屬馬神  
祠地勢宏敞堂階壯麗乾隆二十八年總鎮  
焦騰漢重修

鎮標中營遊擊署在城內北大街門二重堂二  
進廊房各三楹右一院為私室乾隆二十八  
年遊擊靈泰重修

中營守備署在城內北大街門二重堂二進右

南籠府志

營建

五

一院為私室年久傾圮乾隆二十九年守備  
劉得元重修

鎮標右營都司署在城外西北隅門二重堂三  
進廊房各三楹乾隆二十八年都司胡承英  
重修

演武廳在西門外大教場前廳三楹後為公退  
之室週以墻垣左城右山臺高勢敞更屬壯  
麗雄觀

學校

南籠府學在城北府治舊屬安順廳附學於普安州 國朝康熙二十年通判魏執躬建

先師殿於城北海子邊三十九年通判張調鸞遷於今地建大成殿啓聖祠明倫堂五十二年巡撫劉蔭樞題設廳學通判張士佳捐建兩廡戟門雍正五年改廳為府因為府學八年知府黃世文捐建樞星門十二年知府

南籠府志

營建

六

王元烈捐修補葺規制完備名宦祠鄉賢祠附建于學

壇宇

先農壇在府城東門外雍正五年建壇位如制神宇一座木主高二尺四寸廣六寸上書先農之神每歲仲春有司致祭行耕藉禮

社稷壇在府城北門外壇制四方各二丈五尺高二尺一寸四出陛各三級壇上立石主二

高二尺五寸廣一尺厚半之埋於壇之正中  
上露圓尖祭時仍用木主二各高二尺五寸  
廣四寸五分一書大社之神居左一書大稷  
之神居右每歲春秋上戊日祭

風雲雷雨山川壇在府城南門外壇位與社稷  
制同木主三高廣分寸亦與社稷神主同一  
書風雲雷雨之神居中一書山川之神居左  
一書城隍之神居右合祀風雲雷雨山川仍

南籠府志

營建

七

奉城隍神共祭

厲壇在府城北門外壇位如制木主高二尺五  
寸廣四寸五分書府厲之神祭以每歲春清  
明日秋七月十五日冬十月一日迎城隍神  
主之

八蜡廟在府城東門外大佛山麓祠三楹正設  
先嗇神位東上設司嗇神位餘六神稍退後  
一尺分設右左神牌分寸稍殺一曰先嗇之

神二曰司嗇之神三曰神農之神四曰郵表  
啜之神五曰猫虎之神六曰坊之神七曰水  
庸之神八曰昆蟲之神八蜡歷代皆設壇壝  
蜡祭百物之神悉索備嚮禮經所稱祭百種  
者也

關帝廟在府城北門外殿宇廊廡俱備每歲春  
秋二仲月夏五月十三日有司致祭一如典  
禮

### 南籠府志

營建

八

城隍廟在府城南殿宇兩廡畢具朔望誕辰有  
司主禋如例

龍王廟在府城內東隅上據龍山下臨珠泉亭  
建于中奉祀神位時祭如禮顏曰霖雨蒼生  
雍正十三年知府王元烈題

忠義孝弟祠節孝祠同基在府城東門外

### 書院

九峰書院在府城北之魁星山舊為海潮寺之



前殿中塑孔聖像傍列四配建設之年無可考乾隆十二年改為書院面臨九峯因以顏額前建魁星閣故山即以魁星名也寺租六十石為掌教脩繕之資延師講學于中是為府城義學其增學舍擴膏大俾後進之士得以優遊講習人文蔚起儒林之休輝生川岳則將伯之助端有望于鄉之好義者特志之以昭講堂之權輿云

南籠府志

營建

九

坊表

節婦坊在府城北大街雍正五年為庠生桑蔚林之妻葉氏建

節婦坊在府城北門外化龍橋乾隆十七年為前明雲南開化守劉體堯之繼妻任氏建

節婦坊在府城北門外化龍橋乾隆十七年為庠生劉遵道之妻王氏建

節婦坊在府城北大街乾隆十七年為庠生湯

嗣夏之妻景氏建

節婦坊在府城舊北門內大街乾隆十七年為  
庠生楊嵩齡之妻周氏建

節婦坊在府城北鄉普坪市乾隆二十九年為  
庠生葉榮之妻劉氏建

倉儲

府署前右側常平倉四座共十八間  
府署頭門內左側常平倉一座五間

南籠府志

營建

十

府署二堂右側常平倉二座共九間  
府署內箭亭前常平倉四座共二十三間箭亭  
後常平倉三座共十七間

塘汎

狗場汎在府城東三十里路通冊亨

落壩塘在府城東北二十五里路通冊亨之羅

繁廠

大栗塘在府城東北四十里路通永豐州

洞洒塘在府城南十里路達石門坎

石門塘在府城南二十五里路達冊亨為通廣

西大道

木咱塘在府城西二十里路達洗革

洗革塘在府城西三十五里路達馬鞭田

馬鞭汎在府城西五十里路達龍廣

龍廣塘在府城西八十里路達普安州之黃草

壩為通雲南大道

南籠府志

營建

十一

壩弄塘在府城北二十五里路達普坪

普坪塘在府城北四十里路達魯溝

魯溝塘在府城北六十里路達普安為通省城

大道